

琴

心

記

上

翠

竹

記

上

琴心記

古本戲曲叢刊二集

古本戲曲叢刊二集

古本戲曲叢刊編刊委
員會影印長樂鄭氏葦
汲古閣刊本原書版高
二十公分寬十三公分

琴心記目錄

卷上

第一齣

家門始終

第二齣

相如倦游

第三齣

文君新寡

第四齣

設館都亭

第五齣

王孫作醪

第六齣

狐紅窺宴

第七齣

裊動琴心

第八齣

弘通侍者

第九齣

臨流守約

第十齣

夜上成都

第十一齣

臨印夜追

第十二齣

蕭郎抵舍

第十三齣

楚宮春曉

第十四齣

居徒四壁

第十五齣

社門謝客

第十六齣

當墟市中

第十七齣

勉撥房貲

第十八齣

歸途遇寇

第十九齣

得意薦揚

第二十齣

誓志題橋

第二十一齣

陽關送別

琴心記

上

第一齣

未上

漢武帝前席求賢

卓王孫杜門辱婿

倦相如終遂題橋

另文君不孤緘句

月下笛屈指少年無端過了幾番寒食流光可惜
白駒馳錦梭擲頻教燕子留春住儘力留他不得
但黯然春去落紅成陣暮雲凝碧○無那新愁積
把才子文章美人顏色全憑翠管巧將一段春織

風流寫入宮商調勸取騷場浪客願休辭潦倒看
俯仰古今陳迹今日是滿座風流才子四方儒雅
先生喜聽錦囊佳句願聞白雪新聲所演的乃
是相如琴心記聽道家門始終

滿庭芳蜀郡相如臨邛卓氏風流兩愛琴聲當筵
挑動私約去都亭可奈家徒壁立勉當壚滌器營
生一旦題橋奮志詞賦動朝廷時來君寵渥持旌
奉使太守郊迎從此王孫獻食諂奉文君不道姻
緣寧貼白頭吟尚自伶仃感長門千金一賦重洽

舊時情

第二齣

生上

高陽臺引

鵬困圖南騅傷逐北命乖時蹇難說一

點羈心功名兩字消滅願言守志蓬蒿裏奈秋風
漸凋華髮但淒然臨瑟羨竿背燈彈鋏鵬鳴天有

志能令氣不群無緣空自積殷勤縱橫已廢魚

腸劔涉獵難消鳥篆文愁白日觀青雲長安何

處是明君虛將兩淚滄江上葉落蕭蕭不可聞

下官司馬長卿蜀郡成都人氏父母愛之字曰

犬子有懷蘭相如之爲人故自更名相如久矣
椿萱雙逝傷哉琴瑟孤盟曩歲以貲求郎得爲
武騎常侍聊欲攄蘊藉於當年陳經濟於世主
爭奈景廟好談黃老擯薄名儒一時詞賦賢才
多歸梁國遂謝病西遊與諸生同事雖幸蒙知
遇之隆尚未逞逸群之志不意孝王捐館賓客
解散挾綃者懷珠自悲曳裾者褰裳濡足良可
嘆也思欲退歸田園徒苦蕩析家業江湖不能
遂其志廊廟弗克展其才命也何尤幸有相知

王吉筮仕臨邛昨日脩書來邀不免暫過畫一回

再作區處正是雲淡水平烟樹簇鳩飛汾上不

宜秋已曾分付青囊收拾行李想已完備青囊

何在丑上翠篋乘黃卷青囊伴綠琴蕭然何處

去千里覓同心相公行李已脩就請起程生青

囊你曉得此行呵心中有多少不平之氣那一

件所感之事所觸之景不閑上愁來丑相公怎

見得生你不知道即莫說心破出陣引奇識王

高陽臺序 命壓孤身愁深雙淚英雄到底埋沒有

用文章番成無限悲切酸咽空教幾度秋風也向
蕭條夢裏分說這早晚塵途怎如他朝臣待漏玉
珂金闕丑相公這功名事怪你不得來

前腔堪噎紫閣垂紳朱門授簡當時已慚裾曳何
況飄蓬轉眼又成胡越愁殺那更路渺雙親也論
姻緣未諧閨閣把一生合受團圓變爲殘缺生青

裏你看這景色呵

前腔銷骨短劒無鋒孤琴罷響荒村野店黃葉一
點征鴻愁共遠天俱絕心裂貂裘已破黃金盡這

凍魂仗誰醫熱怕從今無限淒涼恨深啼鳩

前腔

丑

相公休怯你病入凋梧貧依衰草一時計

窮途拙且自藏珍張儀尚存餘舌須達終還有箇
與我提携起成就了無心事業那時節雲翼飛騰
身名雙絕相公天色已暮古道無人快請趨行前

去

尾

合

臨邛遠在孤雲末天邊歸鳥隨雲疾人去雲

空和鳥漫

故人書寄北風遙

千里心旌望去輶

今日夕陽衰柳畔

一鞭秋色馬蕭蕭

第三齣

淨扮女婢上

梨花兒春蘭吃苦常叫天夏蓮不見男兒面秋菊
心酸知幾遍嗒冬梅較我還輕賤自家卓府中使
女山茶便是因老相公著我每在後花園中輪
班打掃只得在此伺候如何同伴的不見到來
呀話猶未了來得恰好玉蘭姐已至丑上
前腔梅香似我天下難春心一發無由散從入朱
門愁不挽嗒知心常似天涯遠淨見諱介丑閑事

休纏今日秋風颯颯必有殘葉堆階怕老相公
到來遊翫不如乘此打掃去回何如淨玉蘭姐
言之有理我和你到碧梧亭一帶掃去來掃介

清江引碧梧亭下殘枝滿擁篲羅裙短行過木樨
軒重到芙蓉館向池頭戲鴛鴦愁無伴玉蘭姐這
西壁廂打掃已完再到丁香亭去來你看幽香雲
白澹空翠烟霏好生景致也丑是好景致如今待

我掃掃介家家介不不介尚尚介張張介公公介子子介健健介來來介將將介味味介奉奉介奉

前腔水晶簾額丁香館挽處游絲斷輕靄碧林重

斜日蒼苔滿過欄杆怕風來吹頭亂山茶姐我和

你打掃已完了倘那女娘公子到來你却奉承

那一個淨我喜那似娘兒鬪百花只見滿宮花

滿路花一庭花後庭花錦上花雨中花一枝花

神童叢花金錢花木蘭花蝶戀花解語花花開多

青少懷春女難道山茶不惜春丑好好你春興發

作了淨休取笑你却奉承那一箇丑我喜那醉

公子惜餘春只見錦堂春漢宮春月宮春鳳樓

春玉樓春武陵春絳都春心園春塞垣春燕臺